

臨證醫案筆記

臨證醫案筆記目錄

第二卷

腫脹

反胃噎膈

脾胃

嘔吐

霍亂

瘧疾

痢疾

泄瀉

臨證醫案筆記卷之二

如臯吳 麓渭泉著

男 丙輝燮堂
恩照取齋 泰校
後學曹炳章赤電校刊

腫脹

宗室祿迪園相國戊辰仲夏其太翁年已七十有八向來飯食甚少惟好飲酒緣坐功多年精神素健忽下身浮腫飲食不進徹夜不睡煩渴津少治總無效余視其腫從足起上至臍腹按之隨手而起如裏水之狀腎囊腫如碗大脉息微細此火衰土敗過飲無節濕熱積漸日久致成水鼓年高得此服藥無益只宜服生脉散既能保肺復脉又可生津止渴或有生機遂連服半月神氣甦腫漸退能食粥嗣逐日往視俱用原方或偶嗽有痰加橘紅數分日漸見好服至兩月後飲食大進腫退囊消自五月至八月服人參二斤餘而愈友人問曰此等危證僅用生脉散竟能成功何也余答曰伊雖老而稟質厚且開闢打坐三十餘年肝腎不虧此番之腫不過好飲受濕耳因高年不敢輕投重劑惟用生脉散治之蓋人參甘寒能瀉火熱益元氣麥冬足清陽明之濕熱瀉熱除煩行水生津五味子益氣生津除煩熱消水脹况時當溽暑火旺燦金服之尤宜老年得此清虛之品且又對證所以成功

大司空吳白華夫人年已七十素患脾虛泄瀉復患胸痞腹脹氣喘痰盛飲食不思治已半年

不效余曰脉沉細弱係元陽不足脾胃虛寒中氣不健致三焦脹滿而成氣虛中滿之恙經曰足太陰虛則鼓脹又曰藏寒生滿病也即進四君子加熟附炮薑溫中補土單救脾氣以冀漸痊

德京卿患胸腹脹滿飲食不納余視其肢體無恙惟脹在腹脉弱遲細此酒食厚味過度成傷臟氣故脾土受虧轉輸失職正氣不行清濁相混致成單腹脹症所謂外雖堅滿而中空無物其象如鼓即鼓脹是也亟服參朮膏兼吞金匱腎氣丸連救本源然病成單鼓使非盡掃塵務加意珍攝恐難全愈

夔州太守張蘭沙任農曹時醉後乘涼露臥即遍身痠痛肢體皆腫二便不通醫治兩月不效反增痰喘氣急食不得進不得卧煩躁欲絕余診之曰脉盛弦滑而促皆由酒濕傷脾露體貪涼感受風暑濕邪濕熱相乘著于經絡肢節以致三焦壅滯通身腫脹日久則胸膈脹滿彌甚按證雖重幸年壯脉實尚可治亟投廓清飲加烏藥木通先治其標遂服二帖甚效更用五皮飲加木瓜威靈仙白芥子服數劑腫漸消脉亦緩氣甦痰減食粥便通後以清利舒筋理氣養血之劑調治三月始得全痊

陽水

戈道長遍身盡腫口渴便秘脉浮弦數此濕熱陽水浸淫三焦以致清不升濁不降隧道阻塞使然宜用疏鑿飲子以解表疏風祛脹攻堅淡滲行水使上下內外分消其勢亦猶疏江鑿

河之意也

陰水

肢體浮腫色悴聲短便利不渴診右關沉細乃脾胃虛寒土不能制水故陰水妄行而浮腫以無鬱熱故口不渴而便不秘即投實脾飲先實脾土使木不尅土而肝和則土能制水而脾實矣經曰濕勝則地泥瀉水正所以實土也

風水

韓 一身悉腫惡風不渴續自汗出按脉浮有力此風水在肌膚之間經曰肝腎并浮為風水水在皮膚故脉浮裏無熱故不渴病本於風故汗出惡風也當用金匱越脾湯加附子以瀉肺清胃發越脾氣通行津液則風水從毛孔中出矣

麻黃

石膏

甘草

熟附子

加薑棗水煎溫服

楊 左關弦急右脈遲細是肝木乘土脾胃受尅陽虛氣弱故惡心多痰腫脹氣急食減便澀宜服六君子加白芍木瓜肉豆蔻益智仁炮薑以補土平肝益氣化痰否則恐有中滿之虞沈 皮膚腫滿脉浮氣喘係脾虛不能制水故傳化失常腎水泛濫反漬脾土壅塞經絡散溢皮膚而然當服五皮飲以下氣行水滲濕健脾於散瀉之中猶寓調補之意皆用皮者水溢皮膚以皮行皮也

蟲 衡

患腹脹大按之有塊形如抱甕肢體瘦削發熱不退醫惟以清熱消脹之劑投之半年不效余診脉滑而數望其唇則紅按其腹則疼問素嗜肥甘否曰嗜因思孫一奎曰諸凡腹疼

者唇色必淡不嗜飲食今見證如此為蠱脹也無疑遂用阿魏積塊丸每服一錢服後果下蛔蟲數十條虫下則熱漸減脹漸消五下後更用消蠱湯數劑乃愈

上焦
水溢

陳敬齋肢體俱腫少腹不急喘滿氣促醫者用實脾導水之劑兼旬無效余診右寸數大尺脉虛數此陰虛勞損火燥肺金肺熱則失其下降之令以致水溢高原淫於皮膚而為水腫經曰三焦者決瀆之官水道出焉上焦不治水溢高原中焦不治水停中脘下焦不治水畜膀胱是也宜投麥門冬湯蓋麥冬清肺開其下降之原粳米益脾培乎生金之母服之頗效易以金匱腎氣湯隨證加減三月始愈

結陽
症

盧視其四肢腫滿熱鬱不散脉洪大而數此為結陽症經曰結陽者腫四肢蓋素常氣疾濕熱加之氣濕相爭故為腫也即宜用犀角湯以清熱制火升清勝濕利水泄熱散結自效方書云今人見手足關節腫痛全以風治之誤矣

唐云前患欬嗽氣喘今變腫脹口渴溲短今按脉浮數大乃風邪襲肺鬱而為熱失於下降脾肺氣虛故氣不通利而致腫滿當散風行水宣其經隧則腫消喘止

杏仁

前胡

麻黃

炙

款冬花

桑白皮

茯苓皮

陳皮

大腹皮

加薑棗水煎溫服

江中滿寒脹食入反出四肢厥逆二便不通診脉沉遲小係脾胃虛寒多食生冷膩物而成

腹中寒脹心下痞滿之疾內經云胃中寒則脹滿臍寒生滿病也宜用中滿分消湯按李東垣曰中滿治法當開肥門潔淨府開肥門者發汗也潔淨府者利小便也中滿者瀉之於內謂脾胃有病令上下分消其濕下焦如瀆氣血自然分化

汪少腹腫脹煩渴咽乾小便熱秘按兩手脉浮洪數是濕熱下注壅滯不通而為腫脹急滿速用八正散加木香燈草以利濕瀉熱行氣使三焦通利水乃下行經謂三焦者決瀆之官水道出焉膀胱者州都之官津液藏焉氣化則能出矣三焦之氣一有不化則不得如決瀆而出矣

孟脉浮滑數係酒食厚味過度濕熱壅滯胃脘致胸膈脹滿氣道不清小水不利當服廓清飲加烏藥山查並用蒜瓣以滾湯煮微熟留性少醃鹽醋常以佐飲食大能破氣消滯亦佳法也

朱脉沉遲弱此飲食生冷不節脾土虛寒中氣不運故惡食便溏腹腫脹滿而然宜用厚朴溫中湯加熟附乾薑以除濕散滿行氣溫中

永嘔噎脹痛脉弱沉滑係飲食所傷以致脾胃虛弱水穀聚而不化寒濕抑遏而脹即投香砂調中湯自效

方問其腹中脹滿按之不痛飲食不思大便稀溏神疲氣倦脉浮遲濇乃中氣虛寒脾土受

傷則失其健運之職以致氣虛中滿蓋中滿者亦謂之脹也宜服補中益氣湯加附子乾薑以補氣治脹滿內經所謂塞因塞用也

郭 小腹脹滿足跗浮腫胸膈痞悶飲食不消脇痛便澀診脉虛沉滑係火衰土弱脾胃虛寒元氣不足清陽下陷使然當服四君子加肉桂附子乾薑升麻以溫中益氣第年邁久病殊難見功耳

姚 足膝浮腫脹滿嘔惡四肢身腹俱痛服行氣導滯化痰之劑而痞悶腫脹更甚按脉沉弱無力乃脾胃陽虛寒凝於中而氣弱不能運化所致宜用附子理中湯使脾得溫補則肢節運動而諸證自己

吳 嘔吐食減胃脘膨悶少腹腫脹小水短澀診右關沉細係脾土虛弱水穀之濕內停致升降之機失司宜通太陽膀胱利濕祛邪之法

焦白朮

製半夏

茯苓皮

陳皮

大腹皮

猪苓

澤瀉

製厚朴

漢防己

加薑皮水煎溫服

德 腹大臍腫腰痛不得溺飲食不納診脉虛細數乃腎陰虧損火燔肺金二經既虛漸成水脹之疾宜晨服六味地黃丸夕服補中益氣湯使脾肺胃之氣交通則水穀自然生化

李 氏胸中氣凝脹滿上衝飲食不下按脉沉細濡係憂慮結聚元陽受損故胃脘氣逆而脹也

當服良方溫胃湯

製附子

製厚朴

當歸

白芍藥

黨參

炙甘草

陳皮

炮薑

各一錢

川椒

去合口炒出汗三分

水一鍾半薑三片煎一鍾食遠服

祝氏左關弦勁右關沉滑此木邪侮土脾弱多痰怒氣逆於中焦脹痛連於胸脇宜服排氣飲加白芥子製半夏使肝氣條達則脹滿痰滯自己

腫脹諸劑

金匱腎氣丸

治肺脾腎俱虛遍身腫脹小便不利痰氣喘急非此藥不效

熟地

山藥

山茱萸

丹皮

茯苓

澤瀉

牛膝

車前子

肉桂

附子

蜜丸桐子大

疏鑿飲子

治通身水腫喘呼吸氣急煩躁多渴大小便不通服熱藥不得者

羌活

秦艽

枳櫛

商陸

椒目

大腹皮

茯苓皮

木通

澤瀉

赤小豆

加薑皮煎

實脾飲

白朮

茯苓

甘草

厚朴

大腹皮

草豆蔻

木香

木瓜

附子

黑薑

加薑棗煎

五皮飲

治水病腫滿上氣喘急或腰以下腫

五加皮

地骨皮

茯苓皮

大腹皮

生薑皮

一方五加皮陳皮羅氏

五加易桑白皮治病後脾肺氣虛而致腫滿

中滿分消湯

川烏

乾薑

畢澄茄

生薑

黃連

人參

當歸

澤瀉

青皮

麻黃

柴胡

吳茱萸

草薢仁

厚朴

黃耆

黃柏

益智仁

木香

半夏

茯苓

升麻

水煎溫服

廓清飲 治三焦壅滯胸膈脹滿氣道不清小水不利年力未衰通身腫脹或肚腹單脹氣實

非水等證

枳殼

厚朴

大腹皮

白芥子

蘿蔔子

茯苓

澤瀉

陳皮

水煎溫服

厚朴溫中湯

厚朴

陳皮

甘草

木香

草薢

乾薑

茯苓

阿魏積塊丸

治癥瘕積聚癰塊一應難消難化腹中飽脹或虫積疼痛皆能取效若神不傷

元氣

京三稜

義木

醋煨

自然銅

蛇含石

各燒紅醋淬七次二錢

雄黃

蜈蚣

全用焙燥各一錢二分

辰砂

木香

錢半

鐵華粉

用糯米醋炒一錢

蘆薈

天竺黃

阿魏

全蝎

洗全焙

乾各

沉香

八分

冰片

五分

右為細末用雄猪膽汁杵煉為丸梧子大每服七八分重者一錢蠱下積消為度不必盡劑

消蠱湯

半夏

萊菔子炒

甘草炙各八分

砂仁

肉豆蔻

紫蘇莖葉

陳皮

青皮

枳殼

三棱

蓬朮

檳榔

肉桂

白豆蔻

華澄加

木香

各五分

生薑

二片棗二枚

煎服

犀角湯

犀角

元參

升麻

木通

芒硝

麥冬

連翹

柴胡

沉香

射香

甘草

香砂調中湯

藿香

砂仁

各錢二分

蒼朮

米泔浸一夜炒二錢

厚朴

薑製

陳皮

半夏

茯苓

枳實

鉄炒各錢

甘草

三分

參朮膏

人參

白朮

等分

用水煎膏化服之

八正散

車前子

木通

瞿麥

扁蓄

滑石

甘草梢

梔子

大黃

加燈草或加木香煎

麥門冬湯

治水溢高原肢體皆腫

麥門冬

五十枚去心薑汁炒

粳米

五十粒

四君子湯

六君子湯

六味地黃湯

附子理中湯

俱見中風

生脉散

見瘟疫

補中益氣湯

見暑證

排氣飲

見霍亂

反胃噎膈

劉安林提督帶兵至夔府防堵時飲食不能消化且每食至胃脘少頃輒出診脉沉弱濡皆由歷碌戎行饑飽失調寒積中焦以致胃陽衰敗則宿食不能運化其氣逆而成反胃也當進五君子煎加熟附炮薑以溫中益氣健脾養胃

阿侍衛緣好食水果飲冷酒患惡心嘔吐痰多食少腹痛便溼飲食難化食入反出按脉沉遲細此酷飲無度傷於酒食縱食生冷敗其真陽致損胃氣而然宜服六君子加熟附乾薑肉豆蔻以溫中補土化痰實腸

花總戎述胃脘乾燥食下作痛良久吐出大便燥結余曰脉沉細弱由於軍營終朝勞役飲食起居不時氣血俱虛寒積下焦所以食入幽門丙火不能傳化故久而復出乃命門陽虛致成反胃也宜服六味回陽飲並用韭汁牛乳飲加生薑汁時時呷之如行營無乳或用豕膏

亦妙總以潤燥養血為上策

徐 胸膈脹滿飲食不納大便秘難氣不得下脉弦滑數皆由憂鬱氣滯肝虛血燥瘀血痰火
停阻胃脘以致濁陰不能下降故上則噎塞下則便秘也即用通幽湯滋陰以養血潤燥而
行血加枳榔大黃下墜而破氣滯使幽門通利則膈噎得開脹滿俱除是濁陰得下歸地之
法連服數帖下燥瘰癧血甚多而痊

范氏年近七旬嘔吐多痰食不得入日進粉飲腐漿數鍾且吐其半脉弱沉細係中氣虛寒氣
鬱生痰痰氣阻滯胃脘妨碍道路故飲食難進噎塞所由成也用理中湯加半夏薑汁蜂蜜
遂服四劑甚效十貼得食糜粥更以十全大補湯加薑汁白蜜服藥一月乃安

德 診脉弦滑此由性急喜怒太過七情傷於脾胃鬱而生痰痰與氣搏升而不降故致胸膈
痞悶嘔逆噎塞飲食不下也宜投五噎散以治諸氣結聚化痰下氣止噎進食

周 診寸關洪大數滑係肺胃火盛痰飲阻滯氣逆衝上而食不得入所謂氣有餘便是火火
則生痰作嘔觀王太僕曰內格嘔逆食不得入是有火也宜用枇杷葉煎加甘蔗汁麥冬竹
茹以清肺和胃降火消痰則噎膈自通

李蘭坡二尹云因食後觸怒即胃口脹痛嘔逆痰涎飯不得下惟粥飲黃酒人乳不吐余診兩
關弦滑此由憂思傷脾鬱結傷肝以致痰與氣搏陽氣內結陰血內枯而使噎塞不通也當

投二陳湯加鬱金枳椇葉當歸白芍加秫米煎湯代水入薑汁竹瀝沖服可期奏效

楊云嘔吐反胃飲可下而食不下大便閉結細如豆粒醫治四月無效余診脉弦急數乃年高營衛虧損胃脘乾槁則血液枯竭遂成腸結糞如羊矢服約殊難見效勉用五汁安中飲潤燥養血以冀萬一

順天劉別駕脉虛遲小此由氣血虧損復因思慮憂患致傷脾胃血液漸耗鬱氣生痰痰則窒而不通氣則上而不下故食雖入胃而反出也用六君子加當歸白芍蘇子入白蜜竹瀝薑汁以補脾下氣清痰利膈猶可望痊若妄行峻利香燥等劑恐難痊愈

惠脉沉細濇此氣血俱虛真火衰微胃寒脾弱不能消穀故致宿食不化朝食暮吐暮食朝吐飲食雖入良久復出而成反胃也即服附子理中湯間投八味丸以補火生土

佟食久而吐大便不實胸膈痞悶逆吞酸脉伏遲細是由脾胃虛寒命火陽衰土無以生亦猶釜底無薪不能腐熟水穀故脹滿翻騰即王太僕曰病嘔而吐食入反出是無火也用六君子加炮薑白豆蔻黃連製吳茱萸早吞八味丸補命門火以生脾土服藥月餘乃愈

朱說每食至胃脘少頃或半日必嘔吐復出食完不化痰涎亦多余診脉弱沉遲是脾胃虛傷寒積中焦運行失職飲食不能輸化濁氣不能下降故食雖入胃復反而出即潔古之中焦吐也宜服附子理中湯加半夏薑汁以溫胃止嘔

覺羅麟道長形容消瘦氣逆痰喘食不得入大便燥結脉見弦數而無和緩之象總由氣血虧損胃脘乾槁血液衰耗陰枯陽結而成噎膈即服二汁飲以甘寒辛溫和胃清膈第中衰耗傷得此不能徒恃藥餌張雞峰云膈噎是神思間病惟內觀靜養者可治此言深中病情趙中翰胸膈不利痰逆喘滿大便秘結脉弦數滑此血液衰耗胃脘乾槁痰火氣阻故食物難入而成噎膈當服人參利膈丸加枇杷葉竹瀝以利脾胃壅滯清膈間痰火使濁陰便降而噎塞可以宣通矣

吳駕部胸中痞滿噯氣乾嘔飲食不下脉虛遲濡由於病後失調胃氣弱而不和虛氣上逆故噎致食之疾當服代赭旋覆湯以鎮虛逆使氣降胃和則飲食得下矣

全氏起後食飯患胸膈膨脹氣逆上衝食不能入按脉弦滑數由於憂愁鬱結適與氣食相逆痰涎結聚壅滯胃脘陰陽不得升降遂致噎塞即用七氣湯加陳皮白芍官桂以行氣消痰則鬱解結散而胸次自通

陳氏大便閉結發熱消瘦虛煩口乾食不得下脉虛細數皆由憂思鬱結胃脘乾槁火盛血枯瘀血痰飲阻滯胃口故食入反出也即服五汁安中飲以冀漸愈

凡反胃證得藥而愈者切不可便與粥飯惟以人參五錢陳皮二錢陳老米一兩作湯細啜自日後方可食粥蓋倉廩未固不宜便進米穀常致不救附錄簡易數方以備採擇

甘蔗汁二分薑汁一分每服一碗日三服即不吐

柿餅燒灰存性酒服一錢數服即效

千葉白槿花陰乾為末老米湯調送一錢日服三四次最有效

蘆根五兩水二杯煎一杯溫服時時呷之尤效

杵頭糠布包時時拭齒另煎湯時時呷之效

反胃噎膈諸劑

韭汁牛乳飲

丹溪

牛乳

牛升

韭菜汁

少許

滾湯頓服

五汁安中飲

張任

牛乳

六分

薑汁

薑汁

藕汁

梨汁

各一分和服

通幽湯

生地

熟地

桃仁

紅花

當歸身

炙甘草

升麻

代赭旋覆湯

仲景

旋覆花

即金沸草

代赭石

人參

甘草

半夏

生薑

大棗

七氣湯

半夏

厚朴

茯苓

紫蘇

加薑棗煎

五噎散

治胸膈痞悶諸氣結聚脇肋脹滿痰逆惡心不進飲食

白朮

南星

半夏

枳殼

麸炒

青皮

草菓

麥芽

大腹皮

乾薑

丁香

各一錢

甘草

五分

水一鍾半薑五片煎七分不拘時服

噎人參利膈丸

治胸中不利痰逆喘滿利脾胃壅滯治噎膈聖藥 按此方必噎膈而大便